

ოქმ ი N 6

ხობის მუნიციპალიტეტის საკრებულოს ქონების მართვისა და ინფრასტრუქტურის  
კომისიის სხდომისა.

ქ. ხობი

29 ივნისი 2021 წელი.

სხდომას ესწრებოდნენ კომისიის წევრები:

1. ვლადიმერ ქანთარია
2. ნიკოლოზ ვაკუა
3. იგორ გოგოლაძე
4. გოჩა ჯობავა
5. გენადი ქაძანაია
6. აკაკი ხურცილავა
7. როლანდ სერგია
8. რამინი ხილაძე
9. გოჩა სიჭინავა
10. შადიმან ჭილაია
11. კონსტანტინე ნასარაია
12. კახა ლატარია
13. დავით ცინაძე

სხდომას თავმჯდომარეობდა ვ. ქანთარია - კომისიის თავმჯდომარე.

დღის წესრიგი:

1. ხობის მუნიციპალიტეტის მერის გ. ქაჯაიას 2021 წლის 29 ივნისის N50-502118023 წერილის განხილვა („ხობის მუნიციპალიტეტში ავტოსატრანსპორტო საშუალებების მოძრაობის რეგულირებისა და საგზაო ნიშნების განთავსების შესახებ“ განკარგულების პროექტის თაობაზე).



(მომხსენებელი: ვ. ქანთარია - ხობის მუნიციპალიტეტის საკრებულოს ქონების მართვისა და ინფრასტრუქტურის კომისიის თავმჯდომარე).

კენჭი ეყარა დღის წესრიგის წარმოდგენილ ვარიანტს;

კენჭისყრის შედეგები:

მომხრე: 13, წინააღმდეგი არცერთი.

დაადგინეს: დღის წესრიგი დამტკიცდეს წარმოდგენილი სახით.

დღის წესრიგით წარმოდგენილი საკითხის განხილვა:

1. ხობის მუნიციპალიტეტის მერის ვ. ქაჯაიას 2021 წლის 29 ივნისის N 50 - 502118023 წერილის განხილვა („ხობის მუნიციპალიტეტში ავტოსატრანსპორტო საშუალებების მოძრაობის რეგულირებისა საგზაო ნიშნების განთავსების შესახებ“ განკარგულების თაობაზე).

(მომხსენებელი: ვ. ქანთარია - ხობის მუნიციპალიტეტის საკრებულოს ქონების მართვისა და ინფრასტრუქტურის კომისიის თავმჯდომარე).

მოისმინეს: მომხსენებელმა კომისიის წევრებს გააცნო განკარგულების პროექტი „ხობის მუნიციპალიტეტში ავტოსატრანსპორტო საშუალებების მოძრაობის რეგულირებისა და საგზაო ნიშნების განთავსების შესახებ“

ხობის მუნიციპალიტეტის მერიის განმარტებით, საქართველოს შინაგან საქმეთა სამინისტროს საპატრულო პოლიციის დეპარტამენტის სამეგრელო - ზემო სვანეთის მთავარი სამმართველოდან მიღებული წერილით მუნიციპალიტეტის მერიას განემარტა ქ. ხობში აუცილებლად განსათავსებელი საგზაო ნიშნების შესახებ, რის საფუძველზეც მერიის მიერ წარმოდგენილი განკარგულების პროექტის თანახმად ქ. ხობში განთავსდება შემდეგი სახის ნიშნები.

ა) რუსთაველისა და წერეთლის ქუჩების კვეთაზე - საგზაო ნიშანი 1.7.2.-1.7.3. „მეორე ხარისხიანი გზასთან გადაკვეთა“ 2 ცალი (რუსთაველის ქუჩაზე) და საგზაო ნიშანი 2.3 „დაუთმე გზა“ წერეთლის ქუჩის მხარეს;

ბ) რუსთაველისა და ფოთის ქუჩების კვეთაზე - საგზაო ნიშანი 4.3 „წრიული მოძრაობა“ (სამივე კვეთასთან) და საგზაო ნიშანი 2.3 „დაუთმე გზა“ (ფოთის ქუჩის მხარეს);

გ) დავით აღმაშენებლის ქუჩისა და დავით აღმაშენებლის პირველი შესახვევის კვეთაზე საგზაო ნიშანი 2.3 „დაუთმე გზა“ დავით აღმაშენებლის პირველი შესახვევის მხარეს;

დ) დავით აღმაშენებლის ქუჩისა და დავით აღმაშენებლის მე-2 შესახვევის კვეთაზე საგზაო ნიშანი 2.3 „დაუთმე გზა“ დავით აღმაშენებლის მე-2 შესახვევის მხარეს;

ე) ზ. გამსახურდიას და 9 აპრილის ქუჩების კვეთაზე, ზ. გამსახურდიას ქუჩაზე მოეწყოს ქვეითად მოსიარულეთა ზებრა გადასასვლელი, აღიჭურვოს სათანადო საგზაო ნიშნებით;

ვ) 9 აპრილისა და ცოტნე დადიანის ქუჩების კვეთაზე, 9 აპრილის ქუჩაზე მოეწყოს ქვეითად მოსიარულეთა ზებრა გადასასვლელი, აღიჭურვოს სათანადო საგზაო ნიშნებით;

ზ) კოსტავას ქუჩაზე ლიბერთი ბანკის მიმდებარედ მოეწყოს ქვეითად მოსიარულეთა ზებრა გადასასვლელი, აღიჭურვოს სათანადო საგზაო ნიშნებით;

თ) ჟიული მარტავას ქუჩის დასაწყისში ქვეითად მოსიარულეთა გადასასვლელის მოწყობა, ქუჩის მარჯვენა მხარეს, პარკირების საგზაო ნიშანი 7,4 „დგომის ადგილი“, დამატებითი ინფორმაციის დაფით 8,6,1. სავალ ნაწილზე დატანილ იქნეს 30 მეტრის მანძილზე პარალელური პარკირების ჰორიზონტალური მონიშვნა;

ი) ზ. გამსახურდიას ქუჩის დასაწყისში 9 აპრილის ქუჩის მიმართულებით გზის მარცხენა მხარეს საგზაო ნიშანი 7,4 „დგომის ადგილი“ დამატებითი ინფორმაციის დაფით 8,6,1. სავალ ნაწილზე დატანილი იქნეს 50 მეტრის მანძილზე პარალელური პარკირების ჰორიზონტალური მონიშვნა.

ხობის მუნიციპალიტეტის შერიას ერთობლივი განცხადებით ასევე მიმართა საჯიჯაოსა და ახალი ხიბულის ადმინისტრაციული ერთეულების მოსახლეობამ საჯიჯაო - ახალი ხიბულის დამაკავშირებელ გზაზე მძიმეწონიანი მანქანების ალტერნატიული მარშრუტით გადაადგილების შესახებ. აღნიშნული მოთხოვნის თანახმად, საჯიჯაო-ახალი ხიბულის დამაკავშირებელ გზაზე ორივე მხარეს, საჯიჯაოსა და ახალი ხიბულის ადმინისტრაციულ ერთეულებში განთავსდება საგზაო ნიშანი 3,12. ღერძზე დატვირთვის მასის შეზღუდვა.

გამომსვლელმა განაცხადა, რომ წარმოდგენილი განკარგულების პროექტი შესაბამისობაშია საქართველოში მოქმედ კანონმდებლობასთან.

კომისიის წევრების მხრიდან საწინააღმდეგო აზრი არ გამოთქმულა.

კომისიის თავმჯდომარე შემოვიდა წინადადებით, რომ წარმოდგენილი განკარგულების პროექტი კომისიის დასკვნასთან ერთად წარედგინოს საკრებულოს ბიუროს სხდომას.

**კენჭი ეყარა წარმოდგენილ წინადადებას:**

**კენჭისყრის შედეგები:**

**მომხრე:** 13, წინააღმდეგი არც ერთი.

**დაადგინეს:** წარმოდგენილი განკარგულების პროექტი წარედგინოს საკრებულოს ბიუროს სხდომას.

დღის წესრიგით გათვალისწინებული საკითხის ამოწურვის შემდეგ სხდომა დახურულად გამოცხადდა.

სხდომის თავმჯდომარე:

/ვლადიმერ ქანთარია/